



Ársskýrsla

starfsárið 2009-2010

Aðalfundur 2010
18. maí, 2010

Upplýsing - Félag bókasafns- og upplýsingafræða * kt. 571299-3059 * Pósthólf 8865 * 128
Reykjavík* Sími 864 6220* www.upplysing.is * upplysing@upplysing.is

Upplýsing - Félag bókasafns- og upplýsingafræða var stofnað 1. janúar 2000 við sameiningu íslenskra bókavardafélaga og er fagfélag á sviði bókasafns- og upplýsingafræða. Upplýsing getur því fagnað 10 árum á þessu ári. Félagið hefur það m.a. að markmiði að gangast fyrir faglegri umræðu, efla skilning á mikilvægi íslenskra bókasafna og upplýsingamiðstöðva í þágu menningar, menntunar og vísinda og efla samvinnu þeirra.

1. Félagar

Félagar í Upplýsingu eru á bilinu 560-570 en sú tala er ekki föst því að jafnaði eru um 500-550 á skrá hjá félaginu. Til að gefa nokkra hugmynd um stækkun félagsins þá bætast um 20 nýir félagar við á hverju ári og einhverjir falla út, annað hvort segja sig úr félaginu eða falla frá. Félagsaðild er aðallega persónuleg en í raun eru fimm aðildarflokkar:

- a. Almennir félagar. Þeir greiða nú 6000 krónur í árgjald.
- b. Stofnanir. Stofnanir greiða 12.000 krónur í árgjald.
- c. Nemendur í bókasafns- og upplýsingafræði. Þeir greiða nú 3000.
- d. Heiðursfélagar. Greiða ekki árgjald.
- e. Eldri félagar. Geta sótt um að greiða hálf árgjald.

Sigrún Guðnadóttir og Hrafnhildur Tryggvadóttir hafa séð um uppfærslu élagatalsins síðastliðið starfsár.

2. Stjórn Upplýsingar

Samkvæmt núgildandi lögum skal stjórn félagsins skipuð fimm mönnum: Formanni, varaformanni, ritara, gjaldkera og meðstjórnanda. Auk þess skulu kosnir tveir varamenn.

Stjórn Upplýsingar þessi starfsárið 2009-2010 var sem hér segir:

Formaður: Hrafnhildur Hreinsdóttir

Varaformaður: Helga Halldórsdóttir

Ritari: Ingibjörg Ösp Óttarsdóttir

Gjaldkeri: Sigrún Guðnadóttir

Meðstjórnandi: Hrafnhildur Tryggvadóttir

Varastjórn: Óskar Guðjónsson og Þóra Sigurbjörnsdóttir

3. Handbók stjórnar

Tilgangur handbókarinnar er að hafa á einum stað allt verklag og reglur, erindisbréf og lög sem gilda um félagið og starfsemi þess. Lítið hefur miðað með handbókina en brýn þörf er á að taka saman verklagsreglur til að auðvelda stjórn að hafa yfirsýn yfir verkefni og verklag.

4. Húsnæðismál

Upplýsing fékk húsnæði til leigu að Lyngási 18, Garðabæ og flutti þangað snemma árs 2009. Húsaleigan er kr. 28.000 og er ekki vísitölutryggð en leigu á að endurskoða árlega. Þessi leiga ætti því að vera viðráðanlegri en það sem áður var í boði.

5. Stjórnarfundir og rekstur félagsins

Haldnir voru 12 stjórnarfundir eða að jafnaði mánaðarlega. Áhersla stjórnar á þessu starfsári var á fræðslumál og fagleg málefni stéttarinnar. Stjórnin setti sér framkvæmdaáætlun í upphafi starfsársins og er gerð grein fyrir því helsta í skýrslunni á eftir. Í lögum félagsins er gert ráð fyrir að félagið starfi á fimm sviðum: Stjórnunarsviði, fjármálasviði, útgáfusviði, fræðslu- og ráðstefnusviði og fagsviði. Starfsemi sem ætti að falla undir þessi mismunandi svið er í raun unnin af stjórn og nefndum á vegum félagsins. Þess skal geta að stjórnarmenn fá greitt fyrir stjórnarsetu, greitt er fyrir ritnefndarstörf, vefstjórn og gjaldkerastörf auk þess sem formaður fær greidda þóknun mánaðarlega enda er formaðurinn í raun framkvæmdastjóri félagsins og sér um allar helstu útréttingar á vegum félagsins. Þessar upphæðir eru tilgreindar í reikningum félagsins.

6. Fjármál og styrkir

Rekstrarfé Upplýsingar er að mestum hluta árgjald félaga. Á aðalfundi 2009 var ákveðið að hafa sama árgjald og árið áður. Nokkrir aðrir tekjuliðir skipta félagið máli og eru þessir helstir: Menntamálaráðuneytið veitti félaginu í mars kr. 1.200.000 til erlendra samskipta á árunum 2009 og 2010 og verður styrkurinn notaður m.a. til að senda fulltrúa á I&D ráðstefnuna í Noregi, á IFLA í Gautaborg og til að taka á móti norrænum stjórnnum sambærilegra félaga í júní næst komandi. Þá var styrkurinn nýttur til fara á IFLA þingið í Milanó. Fjárhagur félagsins er góður og stöðugur. Rekstur félagsins tekur mið af þeirri hugsun að einstakir félagsmenn sjái sér hag í því að vera í félaginu t.d. með því að fá tímarit félagsins: Bókasafnið, fá gott framboð af viðburðum og á lægra verði en utanfélagsmenn. Það er því reynt að verðleggja viðburði lágt og reynt að stilla það þannig af að einn viðburður sé ekki notaður til að niðurgreiða annan. Þetta er mjór vegur að feta og geta komið upp tilfelli þar sem kostnaður fellur alfarið á félagið. Best er ef hægt væri að láta tekjur og gjöld ganga upp hvort á móti öðru – þá ættu menn að vera fá út úr félaginu það sem í það er sett.

7. Afsláttarkjör fyrir félagsmenn

Eins og sakir standa fá félagsmenn 20% afslátt í Pennanum – Eymundsson og í lðu. Einnig hefur verið veittur afsláttur fyrir félagi af námskeiðum, morgunkornum, landsfundi og ráðstefnum á vegum Upplýsingar. Skuldlausir félagar fá svo ókeypis á jólagleði og allar heimsóknir Upplýsingar.

8. Útgáfumál og fréttamiðlar

Upplýsing stendur fyrir talsverðri útgáfu. Félagið gefur út tímaritið, *Bókasafnið*, einu sinni á ári og fréttabréf, *Fregnir*, sem kemur að jafnaði út þrisvar á ári. Einnig er ætlunin að vefurinn taki smám saman yfir fréttahlutverk Fregna.

Talsverðar umræður hafa verið um útgáfumál félagsins og rætt um sameiginlega útgáfustefnu sem næði yfir alla útgáfu félagsins. Fundað var með ritnefnd *Bókasafnsins* þar sem rætt var um útgáfustefnu félagsins. Þá var birtingarefni flokkað eftir hlutverki miðlanna. Ákveðið var að Bókasafnið myndi að hluta til birta ritrýndar greinar á sviði bókasafns- og upplýsingafræða. Stjórn Upplýsingar ályktaði á síðasta fundi sínum þá stefnu að útvíkka ætti hlutverk ritnefndar og bæta umsjón með Fregnum og efni á vefnum á verkefnalista hennar. Sjá nánar í kaflanum um nefndir.

a. Bókasafnið

Ritnefnd skipa: Einar Ólafsson, ritstjóri, aðstoðarritstjóri Kristína Benedikz, gjaldkeri Kristín Ingunnar, umsjónarmaður vefseturs Hallfríður Kristjánsdóttir og ritari Sigurbjörg Ólafsdóttir. Í nóvember kom út 33. árgangur Bókasafnsins og í maí 2010 mun félögum berast fyrsta tölublað 34. árgangs blaðsins. Mikið hefur gengið út af eldri eintökum og eru nú nokkrir árgangar blaðsins ófáanlegir. Þó má finna þá á vefslóðinni www.bokasafnid.is – en á dagskrá er að færa það sem er þar að finna yfir á vef Upplýsingar og setja þá inn tímarit síðustu 3ja ára.

b. Fregnir - Fréttabréf Upplýsingar

Faney Kristbjarnardóttir og Gunnhildur Loftsdóttir stóðu sig vel við útgáfu Fregna og komu út tvö hefti á þeirra vegum í október og í desember 2009 en þá lauk þeirra tímabili við umsjón Fregna. Ákveðið var að bíða með það að fá nýja ritstjóra þar sem umræður við ritnefnd Bókasafnsins voru í gangi og hugmyndir uppi um breytingar.

c. Vefur félagsins – www.upplysing.is

Rósa Bjarnadóttir sá um vef Upplýsingar árið 2009 og út janúar 2010 en þá tók við vefnum Óskar Þráinsson. Þá var ennfremur lögð nokkur vinna í að skilgreina hlutverk vefstjórans sem felur m.a. í sér virkari heimasíðu og að komið verði á innri vef fyrir félagsmenn fyrir lok ársins 2010.

d. Fréttamolar stjórnar

Stjórnin bryddaði upp á því síðast liðið haust að senda út lítinn rafrænan mola frá stjórn Upplýsingar til þess að upplýsa félagsmenn um það helsta sem í gangi var. Molinn verður áfram í gangi a.m.k. næsta starfsár.

e. Póstlisti félagsins – bokin.is

Póstlisti félagsins bokin.is er lokaður listi og á hann fara tilkynningar sem eru eingöngu ætlaðar félagsmönnum. Síðast liðið haust var farið yfir öll netföng félaganna og þau uppfærð. Stundum vill brenna við að félagar gleymi að fara inn á listann og breyta netfangi sínu þegar það breytist og fá þar af leiðandi ekki tilkynningar frá félaginu. Við þessu getur Upplýsing lítið gert og þurfa félagsmenn

að vera meðvitaðir um að það er þeirra ábyrgð vilji þeir fá upplýsingar frá félaginu. Umsjónarmaður með póstlista Upplýsingar er Vala Nönn Gautsdóttir.

9. Kynningarmál

Slagorðið: "Bókasafn – heilsulind hugans" hefur lítið verið notað fram að þessu. Stjórn Upplýsingar ákvað í samráði við Kynningarnefndina sem vann að kynningarátakinu 2008 að láta gera merki með slagorðinu og dreifa til bókasafna. Nú er verið að setja lokahönd á þá vinnu. Þá er ætlunin að koma á bókasafnsdegi þar sem áhersla verður á kynningu á söfnum og þeirri starfsemi sem þar fer fram. Undirbúningur vegna slíks kynningarátaks er mikill og því ekki að vænta að þessu verði hrint í framkvæmd fyrr en árið 2011 ef allt gengur eftir.

10. Landsfundur Upplýsingar 2010

Næsti landsfundur verður á Vesturlandi árið 2010. Formaður landsfundarnefndar er Halldóra Jónsdóttir, Bókasafni Akraness. Þema ráðstefnunnar að þessu sinni er upplýsingalæsi. Landsfundurinn verður haldinn á Stykkishólmi 17.-18. september.

11. Ferðasjóður Upplýsingar

Hlutverk Ferðasjóðs er að styrkja fullgilda félaga til náms- og kynnisferða og hefur Upplýsing leitast við að auðvelda félögum sínum ferðir erlendis með því að veita ferðastyrki eins og fjárhagur leyfir. Upphæð sem úthlutað er til hvers styrkþega var hækkuð s.l. haust og er að jafnaði 30.000 kr. Fjöldi úthlutana fer eftir fjárhagsstöðu sjóðsins hverju sinni. Í reglum Ferðasjóðs er tekið fram að styrkþegi skuli hafa verið skuldlaus félagi í Upplýsingu í a.m.k. fimm ár og a.m.k. fimm ár þurfa að líða á milli úthlutana úr sjóðnum til sama einstaklings. Á síðasta starfsári fengu 6 félagar ferðastyrk að upphæð kr. 30.000 þar af fjórir til vettvangsferðar í Berlín. Eftirtaldir fengu styrki: Ingibjörg Óskarsdóttir, Guðbjörg Harðardóttir, Katrín Bjarnadóttir, Guðbjörg Lilja Óliversdóttir, Jóhanna Júlíusdóttir og Kristín Geirsdóttir.

12. Höfundarréttarmál

Nýtt höfundarréttarráð hefur verið stofnað af menntamálaráðuneytinu. Ráðið hefur það hlutverk að aðstoða menntamálaráðuneytið við afgreiðslu erinda er varða höfundarrétt. Upplýsing tilnefndi Ólöfu Benediktsdóttur og Einar Ólafsson í ráðið. Ólöf fór til Noregs í lok janúar til fundar um höfundarréttarmál og sat þar einnig ráðstefnu um efnið. Þá voru höfundarréttarmál ofarlega á baugi í ráðstefnu Upplýsingar um Evrópumálefni sem haldin var í lok mars 2010.

13. Viðurkenningar fyrir bestu fræðibókina

Upphaf veitinga viðurkenninga fyrir bestu fræðibækurnar má rekja til ársins 1993 á 20 ára afmæli Félags bókasafnsfræðinga. Upplýsing tók svo við og hefur staðið fyrir veitingu viðurkenninga fyrir bestu fræðibókina að mati félagsins og er þessi viðurkenning veitt á aðalfundi. Ætlunin hefur verið að veita tvær viðurkenningar,

annars vegar fyrir fræðibók fyrir fullorðna og hins vegar fyrir börn. Því miður hefur sjaldan verið hægt að veita viðurkenningu fyrir fræðibók fyrir börn þar sem oftar en ekki hefur engin íslensk frumsamin fræðibók komið út ætluð börnum. Elín Kristbjörg Guðbrandsdóttir stýrir úthlutun þessara viðurkenninga fyrir hönd Upplýsingar.

14. Umsagnaraðili um frumvörp Alþingis

Alþingi hefur leitað umsagnar Upplýsingar um lagafrumvörp og þingsályktanir ef efnið hefur tengst bókasöfnum. Hafa þessar umsagnir ýmist verið unnar af stjórnarmönnum eða fulltrúum sem hún hefur falið verkefnið. Upplýsing hefur á starfsárinu 2009-2010 fengið send frá Alþingi til umsagnar tvö frumvörp til laga:

Frumvarp til laga um breytingar á höfundarlögum

Frumvarp til laga um framhaldsskóla

15. Fræðslumál

Fræðslunefnd Upplýsingar varð óstarfhæf þegar leið á haustmánuði þar sem aðstæður nefndarmanna höfðu breyst og eftir sat einn í nefndinni. Því féllu verkefni nefndarinnar á hendur stjórnar. Eins og fram hefur komið þá lagði stjórn Upplýsingar upp með það á starfsárinu 2009-2010 að auka til muna framboð af fræðsluefni til félagsmanna. Haustið 2009 voru gerðar stuttar kannanir til að fá fram vilja félaga í þessum málum og í framhaldi af því voru eftirfarandi viðburðir skipulagðir:

Morgunkorn

Tilgangur þeirra er að efla faglega vitund félagsmanna með því að bjóða upp á umræðu um það sem tengist stéttinni í nokkuð víðum skilningi. Þá er þetta góður vettvangur til að hitta kollega og viðhalda tengslum. Hugmyndin gengur út á það að fá bæði sérfræðinga utan frá og innan félagsins til að ræða mál sem snerta félagið á einhvern hátt. Fundirnir standa í 1 ½ klst og hefjast með morgunverði og lýkur með umræðum ef mögulegt er. Helga Halldórsdóttir, varaformaður Upplýsingar hefur haldið utan um framkvæmd morgunkornanna í vetur. Það er ekki hægt að segja annað en að félagsmenn hafi tekið morgunkornunum vel. Þá hefur verið auðvelt að fá félagsmenn til að fjalla um málefni á fundunum en það er grundvöllurinn fyrir því að hægt sé að halda svona fundi.

- Bókasöfn og Facebook var yfirskrift fyrsta morgunkornsins 3. september 2009. Fyrirlesarar voru Guðríður Sigurbjörnsdóttir, verkefnastjóri hjá Borgarbókasafni og Maríanna Friðjónsdóttir, sviðsstjóri Kvikmyndaskóla Íslands. 63 mættu.
- Niðurskurður í bókasöfnum, 1. október 2009. Gestir: Anna Elín Bjarkadóttir, deildarstjóri Upplýsingasviðs Landsvirkjunar, Pálína Magnúsdóttir, forstöðumaður Bókasafns Seltjarnarness og Ragnar Þórir Guðgeirsson framkvæmdastjóri Expectus. 30 mættu
- Starfsheitið, 5. Nóvember, 2009. Framsögu höfðu Ágústa Pálsdóttir, dósent í HÍ, Óskar Guðjónsson, formaður SBU, Kristín Arnþórsdóttir nemi í bókasafns- og upplýsingafræðum og Hrafnhildur Hreinsdóttir formaður Upplýsingar. 72 mættu

- Hver ber ábyrgð á þinni símenntun? 14. janúar, 2010. Gestir voru þær Ingrid Kuhlman frá Þekkingarmiðlun og Kristín Geirsdóttir, Upplýsingaþjónustu Alþingis. 40 mættu
- Skjábækur – blessun eða bölvun? 11. febrúar, 2010. Framsögu höfðu þau Guðbjörg Eva Friðgeirsdóttir, bókasafnsfræðingur og meistaranemi í fræðunum og Kristján B. Jónasson, formaður Félags bókaútgefenda. 50 mættu.
- Opinn hugbúnaður og notkunarmöguleikar fyrir stéttina. 11. mars, 2010: Fyrirlesarar Sveinn H. Sverrisson, samhæfingarstjóri Akureyri og Tryggvi Björgvinsson frá samtökunum Stafrænt frelsi. 43 mættu.
- Viðburðir í söfnum, 15. apríl, 2010. Framsögu höfðu þær Inga Kristjánsdóttir, deildarstjóri barna- og unglíngadeildar í bókasafni Kópavogs, Hlíf S. Arndal, forstöðumaður bókasafns Hveragerðis og Þorbjörg Karlsdóttir, verkefnastjóri Borgarbókasafni. 41 mættu.

Námskeið:

Ákveðið var að Upplýsing myndi standa að námskeiðum og gerð var könnun hjá félagsmönnum um hvers konar efni væri áhugavert að bjóða uppá. Þá var ákveðið að fá ýmsa aðila til samvinnu um námskeið eins og kennara úr B&U og ræða við Endurmenntun o.fl. Eftirfarandi námskeið voru haldin:

- Stefnumótun bókasafna, 22. & 23. október 2009 = 2 x 3 klst. Leiðbeinendur voru Bjarni Snæbjörn Jónsson frá Capacent, Margrét Sigurgeirsdóttir forstöðumaður Lindasafns í Kópavogi og Hrafnhildur Hreinsdóttir sem hljóp í skarðið f. Hólmkel Hreinsson sem veiktist á síðustu stundu. 14 þátttakendur
- Bókasafnið á Facebook 9. & 13. nóvember 2009 = 3 klst. Leiðbeinandi var Sigrún Gunnarsdóttir, tölvunarfræðingur. 16 þátttakendur
- Að kenna upplýsingalæsi, 18. & 19. febrúar 2010 = 6 klst. Leiðbeinendur: Þórdís Þórarinsdóttir, Bókasafni Menntaskólans við Sund, Astrid Margrét Magnúsdóttir, Háskólanum á Akureyri og Hróbjartur Árnason, Menntavísindasviði HÍ. 23 þátttakendur.
- Uppbygging safnkosts, 18. mars = 3 klst, endurtekið á Akureyri 24. Apríl = 3 klst og var þá jafnframt boðið upp á fjarkennslu. Leiðbeinendur voru: Ágústa Pálsdóttir, dósent í B&U í HÍ, Rósa Jónsdóttir, Bókasafni Orkustofnunar og á Akureyri bættist Hólmkell Hreinsson í hópinn. Þátttakendur voru 50 talsins.
- Að ritstýra vefjum bókasafna 26. apríl = 3 klst. Leiðbeinandi var Hrafnhildur Hreinsdóttir, vefstjóri & formaður Upplýsingar. Þátttakendur voru 17.

Þá hefur stjórn borist óskir frá félagsmönnum á landsbyggðinni um að sinna þörfum þeirra fyrir endurmenntun með fjarnámskeiðum. Stjórnin er sammála um að verða við því en útfærsla á framkvæmd þarf að vinna í samvinnu við landsbyggðarmenn og verður væntanlega með fyrstu verkefnum nýrrar stjórnar eða um leið og tillögur frá þeim á landsbyggðinni berast.

Ráðstefnur

Upplýsing og Evrópa er yfirskrift metnaðarfullrar ráðstefnu sem haldin var 26. mars 2010. Þátttakendur voru 35 talsins. Dagskrá ráðstefnunnar í stuttu máli var þessi:

- Rán Tryggvadóttir, lögfræðingur og formaður höfundarréttarnefndar: Höfundaréttur og dreifing á efni.
- Ólöf Benediktsdóttir, bókasafnsfræðingur: Réttur hverra? Um bókasöfn og höfundarétt í Evrópu.
- Ian Watson, Háskólanum á Bifröst: Rafrænt upplýsingasamfélag Evrópu
- Bergljót Gunnlaugsdóttir, bókasafni Flensborgarskólans: Stefnur upplýsinga- og þekkingarsamfélagsins.
- Þorsteinn Hallgrímsson, Landsbókasafni Íslands – Háskólabókasafni: Samvinnuverkefni Evrópu, reynsla Landsbókasafns.
- Einar Ólafsson, Borgarbókasafni: Þjónusta almannathjónustu og réttindi starfsfólks.

Aðrir viðburðir:

- Farið var í skemmti- og skoðunarferð til Akraness 23. október, 2009 að skoða nýtt húsnæði héraðsbókasafnsins þar. Halldóra Jónsdóttir og starfsmenn safnsins tóku á móti 35 manns með glæsibrag.
- Jólaboð félagsins var haldið föstudaginn 4. desember 2009 í Norræna húsinu. Tæplega hundrað félagar mættu og gerðu sér glaðan dag saman.
- Félögum Upplýsingar var boðið í heimsókn á bókasafn Tækniskólans – skóla atvinnulífsins 26. febrúar 2010 og mættu þar um fjörutíu manns. Ingibjörg Rögnvaldsdóttir og starfsfélagar hennar tóku á móti fólkinu sem skemmti sér hið besta.
- Þá lýkur starfsárinu á heimsókn í nýtt húsnæði bókasafns Menntaskólans við Hamrahlíð 18. maí, 2010 og er aðalfundur Upplýsingar jafnframt haldinn þar. Stjórnin er þakklát Ásdísi Hafstað fyrir að taka svona vel í að sameina þetta tvennt.

16. Nefndir og ráð á vegum Upplýsingar 2009

Fjöldi félaga starfar í nefndum og ráðum á vegum félagsins sem ná trúlega yfir öll þau svið sem félaginu er þörf á að sinna. Samkvæmt lögum Upplýsingar má sjá í 4. gr. að starfsemi félagsins er ætlað að skiptast í fimm svið. Þessi skipting hefur aldrei orðið. Þar segir ennfremur: „Stjórn félagsins eða félagsfundi er heimilt að skipa hópa og nefndir og fela þeim ákveðin verkefni eftir nánari fyrirmælum hverju sinni.“ Þá er á aðalfundi gert ráð fyrir kosningum í fastanefndir - sem reyndar eru óskilgreindar í lögnum. Í samræmi við lögin og í ljósi breytinga sem hafa orðið á verkefnum og vinnulagi stjórnar – var tekin sú ákvörðun á síðasta fundi stjórnar á tímabilinu að breyta nefndaskipan þannig að fastanefndir verði fáar en virkar. Uppstillingarnefnd mun að sjálfsögðu starfa sem fyrr.

Starfandi verða 3 fastanefndir:

1) Fagnefnd, sem hefur það hlutverk að fjalla um allt sem snýr að stéttinni faglega svo sem siðareglur, gæðamál, lög um bókasöfn, álit á lagafrumvörpum, menntun félagsmanna og annað sem að þessu hugtaki kemur. Nefndinni er ennfremur ætlað að koma með tillögur að innihaldi morgunkorna Upplýsingar

2) Fræðslu- og skemmtinefnd, sem hefur það hlutverk að undirbúa námskeið, morgunkorn, ráðstefnur, heimsóknir og annað sem að fræðslu- og viðburðamálum félagsins snýr. Hér er um að ræða hugmyndafræðilegan stuðning, tillögur um fyrirlesara og leiðbeinendur en ekki framkvæmd.

3) Útgáfunefnd - sem hefur það hlutverk að ritstýra og gefa út Bókasafnið, Fregnir og setja meginlínur um fréttæfni á vefnum. Nefndinni er einnig ætlað að stýra Bókasafninu í átt að ritrýndu fagtímariti og skilgreina skilin milli fréttablaðsins og svo hlutverk vefsins.

Ný nefndaskipan	Fyrri nefndir og hópar
Fagnefnd	Leysir af hendi eftirfarandi nefndir: <ul style="list-style-type: none">• Nefnd um fagleg málefni stéttarinnar• Siðanefnd• Lagabreytinganefnd• Faghópur um millisafnalán• Orðanefnd• Nefnd um val á bestu fræðibók ársins fyrir börn,• Nefnd um val á bestu fræðibók ársins fyrir fullorðna
Fræðslu- og skemmtinefnd	Fræðslu- og skemmtinefnd
Útgáfunefnd	Leysir af hendi: Ritnefnd Bókasafnsins og ritnefnd Fregna

Fulltrúar Upplýsingar í stjórnnum annarra félag, hópa og stofnana

1. Stjórnarnefnd um Landsaðgang hvar.is – Anna Sveinsdóttir, Náttúrufræðistofnun Íslands
2. Stjórn Landsbókasafns Íslands - Háskólabókasafns - Eydís Arnviðardóttir, Matís
3. Stjórn Blindrabókasafnsins - Erla K. Jónasdóttir (aðalfulltrúi) Borgarbókasafni Reykjavíkur
4. Þjónustumiðstöð bókasafna - Nanna Bjarnadóttir, Landsbókasafni Íslands - Háskólabókasafni
5. Ráðgjafarnefnd um almenningsbókasöfn - Hólmkell Hreinsson, Amtbókasafninu á Akureyri
6. Þöll. Samstarfshópur um barnastarf á íslenskum bókasöfnum - Sigríður Matthíasdóttir, Bæjar- og héraðsbókasafninu Selfossi (forsvarsmaður)
7. Gerðubergsráðstefna - Inga Kristjánsdóttir, Bókasafni Kópavogs

8. Starfsgreinaráð upplýsinga- og fjölmiðlagreina – Sigrún Klara Hannesdótti, formaður Upplýsingar
9. Sérfræðihópur í bókasafnstækni– Þórdís T. Þórarinsdóttir, Menntaskólanum við Sund
10. Höfundarréttarráð – Ólöf Benediktsdóttir, Stofnun Árna Magnússonar í íslenskum fræðum

Fulltrúar í erlendum félögum

11. Verkefnisstjóri vegna tilnefningar til verðlauna úr minningarsjóði Astrid Lindgren - Þorbjörg Karlsdóttir, Borgarbókasafni
12. Norrænn samstarfshópur um tónlistarsöfn - Lís Valdimarsdóttir, Listaháskóla Íslands
13. ARLIS/Norden – Elín Guðjónsdóttir, Listasafni Íslands
14. Nord I&D – Þóra Gylyfadóttir, Háskólanum í Reykjavík
15. NordinfoLIT - Astrid Margrét Magnúsdóttir, Háskólum á Akureyri
16. Stjórn NFBN - Þóra Gylyfadóttir, Háskólanum í Reykjavík

17. Norrænt og alþjóðlegt samstarf

Upplýsing er félagi í mörgum erlendum bókavarðafélögum s.s. LIBER, IASL, IFLA, EBLIDA, Nord I&D, NFBN. Samskipti við þessa aðila eru mismikil og ekki er alltaf ástæða til að senda íslenska fulltrúa á fundi. Reynt hefur þó verið að halda uppi samstarfi við norrænu bókavarðafélögin og IFLA enda má til sanns vegar færa að þessi samskipti séu félaginu gagnlegust. Árið 2009 sendi félagið fulltrúa á ráðstefnur IFLA en hvorki á EBLIDA né LIBER, né á fund norrænu bókavarðafélaganna.

a) Samstarf norrænu bókavarðafélaganna

Fulltrúar Norrænu bókavarðafélögin hittast að jafnaði tvisvar á ári og skiptast á um að bjóða til funda. Svo illa hittist á að síðasti fundur var haldinn rétt eftir formannaskipti og nýr formaður komst ekki á fundinn. Aftur á móti verður næsti fundur hér á Íslandi í byrjun júní, 2010 og hefur stjórn Upplýsingar staðið að undirbúningi hans.

b) IFLA

Fastanefndir. Upplýsing er aðili að IFLA og hefur tilnefnt í eina fastanefnd, en er aðili að fleiri nefndum og fær upplýsingar um starfsemi þeirra. Þórdís T. Þórarinsdóttir situr í fastanefnd um flokkun og lyklun fyrir hönd félagsins.

Stjórnarnefnd. Meðal norrænu bókavarðafélaganna fór fram umræða um tilnefningu frá Norðurlöndunum í Stjórnarnefnd IFLA (Governing Board). Röðin var komin að Íslandi árið 2009 og var okkur boðið að tilnefna einhvern frá Íslandi. Niðurstaðan var sú að Upplýsing hefði ekki fjárhagslegt bolmagn til þess að tilnefna í stjórnarnefndina í ár, en skoða mætti málið aftur eftir tvö ár.

IFLA-þingið í Milano. Upplýsing sendi tvo fulltrúa á IFLA þingið þær Sigrúnu Guðnadóttur gjaldkera og Helgu Halldórsdóttur, varaformann. Það má lesa um ferð þeirra í stuttri grein í Fregnum.

c) Goethe Institut.

Fulltrúi Goethe Institut, Beate Detlefs sem hefur aðsetur í Kaupmannahöfn, kom til Íslands snemma sumarið 2009 og formaður sótti fund hennar. Á fundinum bauð Goethe stofnunin það að greiða kostnað við fyrirlesara á Landsfundi 2010 sem Upplýsing hefur þegið.

Að lokum

Þegar litið er yfir starfsemi Upplýsingar kemur í ljós að margt hefur verið gert og leitast hefur verið við að sinna sem flestum þeirra mála sem félag af þessu tagi getur unnið án fastra starfsmanna. Stjórnin hefur skipt með sér verkum og reynt að dreifa álagi eins og mögulegt er. Þær breytingar sem stjórnin hefur gert á starfsemi félagsins á starfsárinu og sú mikla fræðslustarfsemi hefur samt sem áður aukið álag á stjórnina og þá sérstaklega gjaldkera og formann. Velta félagsins gefur samt ekki tilefni til að ráða starfsmann í hlutastarf til að vinna það sem þarf.

**Framkvæmdaáætlun fyrir
árið 2010-2011**

Tekjur	2009-2010	2010-2011
Árgjöld	2.700.000	2.600.000
Námskeið/ráðstefnur	0	150.000
Styrkir	600.000	1.100.000
Ýmis fjármögnun á eigið fé	600.000	600.000
Landsfundur		300.000
Tekjur samtals	3.900.000	4.750.000

Gjöld		
Norrænt og alþjóðlegt samstarf	-900.000	-1.000.000
Ferðastyrkir	-300.000	-300.000
Funda og stjórnunarkostnaður	-400.000	-500.000
Innlend þing	-250.000	-300.000
Námskeið	0	-100.000
Skrifstofukostnaður	-800.000	-800.000
Styrkir v. Faglegs starfs	-300.000	-300.000
Útgáfa og prentun	-535.000	-400.000
Fjármagnstekjuskattur	-60.000	-70.000
Jólagleði og aðrar upptökur	-350.000	-500.000
Gjöld samtals	-3.895.000	-4.270.000

Efnahagsreikningur

31. desember 2009

	2009	2008	
Veltufjámunir:			
Verðbréfaveltureikningur í L.Í. 371722	688.977	629.797	
Vaxtareikningur 380307 (sala á eign)	4.510.967	4.111.687	
Verðbréf VÍB - eign ferðasjóðs Upplýsingar	2.637.872	1.747.270	
Kjörbók í L.Í. 263671 eign þallar	82.638	76.576	
Ávísanareikningur 505712	417.407	933.886	
'Ávísanareikningur 505713	194.423	535.987	
Vaxtareikningur 380189 (Skráningaráð)	1.942.043	1.775.232	
Gjaldeyrismeikningur 710666	615	389.492	
	10.474.942	10.199.927	
	Eignir samtals	10.474.942	10.199.927
Eigið fé:			
Eigið fé frá fyrra ári	10.057.535	10.199.927	
(Gjöld umfram tekjur) tekjur umfram gjöld	417.407	891.515	
	Eigið fé samtals	10.474.942	9.308.412
Skuldir og eigið fé samtals	10.474.942	9.308.412	

Rekstrarreikningur

ársins 2009

	2009	2008
Rekstrartekjur:		
Árgjöld	2.960.715	2.055.378
Landsfundur	58.000	668.379
Innlend þing, ráðstefnur, fundir o.fl. styrkir o.fl.	165.210	789.711
Norrænt- og alþjóðlegt samstarf, styrkir	0	1.057.694
Fregnir – styrkir	0	50.000
Á leið til upplýsinga - sala	47.989	2.500
Skrifstofa	99.249	
Vaxtatekjur	763.878	672.495
Gengismunur		
Samtals tekjur	4.095.041	5.296.157
Rekstrargjöld:		
Innlend þing, morgunkorn og námskeið	290.978	491.769
lögfræðikostnaður	65.363	0
Norrænt- og alþjóðlegt samstarf	346.620	1.256.717
Bókasafnið - útgáfustyrkur	400.000	110.000
Fregnir	60.000	65.000
Flutningskostnaður	52.500	0
Vefstjórn	50.000	0
Ferðastyrkur Upplýsingar	200.000	120.000
Funda og stjórnunarkostnaður	385.918	317.772
Skrifstofukostnaður	532.002	530.732
Þóknun vegna stjórnarsetu	585.000	485.000
Fjármagnstekjuskattur	81.723	67.122
Bankakostnaður	137.592	102.437
Hýsing á vefsíðu	109.235	45.949
Leiga á húsnæði	308.000	646.579
Hönnunarkostnaður	120.000	0
jólagleði Upplýsingar	200.123	
Samtals gjöld	3.925.054	4.239.077
(Gjöld umfram tekjur) tekjur umfram gjöld	169.987	1.057.080

UPPLÝSING FÉLAG BÓKASAFNS- OG UPPLÝSINGAFRÆÐA

L Ö G

I. NAFN OG HLUTVERK

1. gr. – Nafn og varnarþing

Félagið heitir: *Upplýsing - Félag bókasafns- og upplýsingafræða*. Heimili þess og varnarþing er í Reykjavík.

2. gr. – Markmið

Markmið félagsins er:

- a) Að auka skilning á mikilvægi sérfræðiþekkingar bókasafns- og upplýsingafræðinga og annarra starfsmanna bókasafna og upplýsingamiðstöðva.
- b) Að efla skilning á mikilvægi íslenskra bókasafna og upplýsingamiðstöðva í þágu menningar, menntunar og vísinda.
- c) Að bæta aðstöðu til rannsókna og náms í bókasafns- og upplýsingafræði.
- d) Að efla samstarf og samheldni félagsmanna.
- e) Að gangast fyrir faglegru umræðu um bókasöfn og upplýsingamiðstöðvar.
- f) Að stuðla að og standa fyrir símenntun félagsmanna.
- g) Að auka samvinnu ólíkra safnategunda.
- h) Að koma á samvinnu við innlenda og erlenda aðila með svipuð markmið.
- i) Að vera löggjafanum og stjórnvöldum til ráðgjafar um bókasafns- og upplýsingamál.
- j) Að starfa með *Stéttarfélagi bókasafns- og upplýsingafræðinga* og öðrum stéttarfélögum eftir því sem við á.

II. FÉLAGSAÐILD

3. gr. – Félagsaðild

Rétt til félagsaðildar eiga:

- a) Bókasafns- og upplýsingafræðingar svo og þeir sem starfa á rannsóknarbókasöfnum, almenningsbókasöfnum, sérfræðibókasöfnum, skólasöfnum, starfsmenn stofnana og fyrirtækja sem vinna að upplýsingamiðlun.
- b) Nemar í bókasafns- og upplýsingafræði eða öðru námi á sviði upplýsingamiðlunar og -tækni geta átt aukaaðild að félaginu í allt að þrjú ár. Nemar, sem óska eftir aukaaðild, hafa málfrelsi á fundum en ekki atkvæðisrétt og eru ekki kjörgengir.
- c) Áhugamenn um markmið félagsins.
- d) Almenningsbókasöfn, skólasöfn og sérfræði- og rannsóknarbókasöfn, skjalasöfn svo og aðrar stofnanir og fyrirtæki sem starfa að upplýsingamálum.

Umsóknir um félagsaðild eru afgreiddar á stjórnarfundi.

Einstaklingar sem eiga fulla aðild að félaginu njóta allra þeirra réttinda og fríðinda, sem félagið býður upp á hverju sinni, auk eintaka af fréttabréfum og/eða fagtímaritum félagsins. Fulltrúar stofnana og fyrirtækja hafa ekki atkvæðisrétt á fundum og njóta hvorki kjörgengis né fríðinda, sem félagið býður upp á, en fá fagtímarit og fréttabréf þess.

III. SKIPULAG SVIÐA OG NEFNDA

4. gr. – Skipulag

Starfsemi félagsins skiptist í eftirfarandi svið:

- | | |
|--------------------|-------------------------------|
| a) Stjórnunarsvið. | d) Fræðslu- og ráðstefnusvið. |
| b) Fjármálasvið. | e) Fagsvið. |
| c) Útgáfusvið. | |

Stjórn félagsins eða félagsfundir er heimilt að skipa hópa og nefndir og fela þeim ákveðin verkefni eftir nánari fyrirætlunum hverju sinni. Þeim skal með erindisbréfi setja starfsreglur þar sem viðfangsefni er skilgreint, starfstímabil ákveðið og hver nefndarmanna sé ábyrgur fyrir störfum hennar.

IV. STJÓRN OG STJÓRNARSTÖRF

5. gr. – Stjórnarkjör

Stjórnarkjör fer fram á aðalfundi. Stjórn félagsins skal skipuð fimm mönnum: Formanni, varaformanni, ritara, gjaldkera og meðstjórnanda. Auk þess skulu kosnir tveir varamenn.

Stjórnarkjöri skal hagað þannig:

- Formann og varaformann skal kjósa til tveggja ára. Þeir eru kosnir sérstaklega sitt árið hvor.
- Aðra stjórnarmenn skal kjósa til tveggja ára þannig að tveir eru kosnir annað árið og einn hitt árið. Varamenn eru kosnir til tveggja ára. Seta í stjórn skerðir ekki kjörgengi til formanns.

Ef stjórnarmaður lætur af stjórnarsetu áður en kjörtímabili hans lýkur og varamaður tekur sæti í hans stað, skal kjörtímabil hins síðarnefnda sem stjórnarmanns aðeins ná yfir þann tíma sem eftir er af stjórnarsetu þess sem hættir. Láti stjórnarmaður af störfum á aðalfundi áður en kjörtímabili hans lýkur skal annar kosinn í hans stað til jafnlangs tíma og eftir er af kjörtímabili þess fyrrnefnda.

Uppstillingarnefnd skal starfa í félaginu og skal hún gæta þess fyrir hvern aðalfund að ekki skorti framboð til stjórnarsetu.

Við stjórnarkjör skal leitast við að fulltrúar ólíkra safnategunda og faghópa eigi sæti í stjórn félagsins, sem og í nefndum og vinnuhópum.

6. gr. – Stjórnarfundir

Stjórnin skiptir með sér verkum á fyrsta stjórnarfundum eftir aðalfund. Stjórnarfundur skal að jafnaði halda einu sinni í mánuði á tímabilinu september - apríl, en oftast ef þörf krefur. Svo og ef að minnsta kosti þrjú stjórnarmenn æskja þess.

Formaður boðar til stjórnarfunda og eru þeir lögmætir sé meirihluti stjórnar mættur. Einfaldur meirihluti ræður úrslitum mála á stjórnarfundum. Séu jafnmörg atkvæði með og á móti ræður atkvæði formanns úrslitum.

7. gr. – Verksvið stjórnar

Stjórnin fer með málefni félagsins milli aðalfunda. Stjórnin annast rekstur félagsins og hagar störfum sínum í samræmi við lög og samþykktir þess.

Verkefni stjórnar er m.a. að:

- Bera ábyrgð á rekstri félagsins og þjónustu þess við félagsmenn.
- Koma fram fyrir hönd félagsins bæði á innlendum og erlendum vettvangi og afgreiða þau erindi sem því berast.
- Bera ábyrgð á útgáfumálum félagsins.
- Halda almenna félagsfundir.
- Halda við lista yfir stjórnir, nefndir og félög sem félagið á aðild að og sjá til þess að staðið sé við skuldbindingar.

V. AÐALFUNDUR

8. gr. – Aðalfundur

Aðalfundur skal halda í maímánuði ár hvert. Til hans skal boðað skriflega með minnst tíu daga fyrirvara. Fundarboðinu fylgi dagskrá fundarins, ásamt tillögum um lagabreytingar, ef einhverjar eru.

Dagskrá aðalfundar:

- | | |
|-----------------------------|---|
| a) Skýrsla stjórnar. | d) Fjárhags- og framkvæmdaáætlun næsta starfsárs. |
| b) Skýrslur hópa og nefnda. | e) Árgjald. |
| c) Reikningar félagsins. | |

- | | | | |
|----|---|----|--|
| f) | Lagabreytingar. | i) | Kosning í fastanefndir til tveggja ára í senn. |
| g) | Kosning stjórnar og varamanna, sbr. 5 gr. | j) | Önnur mál. |
| h) | Kosning skoðunarmanna reikninga. | | |

Aðalfundur telst lögmætur og ályktunarhæfur sé löglega til hans boðað. Stjórn félagsins er heimilt að boða til aukaaðalfundar ef þörf krefur. Skal hann boðaður á sama hátt og aðalfundur. Atkvæðisrétt á aðalfundi hafa einungis skuldlausir félagar.

VI. FJÁRMÁL

9. gr. – Fjármál

Reikningsár félagsins er almanaksárið. Reikningar skulu lagðir fram á aðalfundi, yfirfarnir af kjörnum skoðunarmönnum.

10. gr. – Félagsgjöld

Aðalfundur ákveður árgjald hverju sinni að fenginni tillögu stjórnar. Nemar með aukaaðild greiða hálf tveggja ára árgjald einstaklings en stofnanir tvöfalt árgjald

Eftirlaunafélagar og lífeyrisþegar geta óskað eftir að greiða hálf tveggja ára árgjald enda hafi þeir greitt félagsgjöld samfelt í að minnsta kosti 10 ár. Heiðursfélagar eru undanþegnir árgjaldi en njóta allra réttinda á við fullgilda féлага.

Einungis skuldlausir félagar njóta fullra réttinda og fríðinda félagsins. Hafi félagi ekki greitt félagsgjöld tvö ár í röð skal nafn hans fellt út af félagaskrá

Greiðsluseðlar vegna félagsgjalda skulu sendir út í febrúar með eindaga 15. apríl.

VII. FÉLAGSFUNDIR

11. gr. – Félagsfundir

Til almennra félagsfunda skal stjórn félagsins boða skriflega. Til fundar er skylt að boða ef að minnsta kosti 20 fullgildir félagsmenn óska þess skriflega og tilgreina fundarefni. Skal þá fundurinn haldinn innan tveggja vikna.

VIII. LANDSFUNDUR

12. gr. – Landsfundur

Landsfundur skal halda að hausti annað hvert ár. Landsfundur skal að jafnaði vera tveggja daga ráðstefna þar sem fjallað um bókasafna- og upplýsingamál. Stjórn félagsins skipar landsfundarnefnd og er starfstími hennar milli landsfunda.

IX. LAGABREYTINGAR OG GILDISTAKA

13. gr. – Lagabreytingar

Lögum þessum er aðeins hægt að breyta á löglega boðuðum aðalfundi eða aukaaðalfundi. Tillögur um lagabreytingar verða að hafa borist stjórn félagsins fyrir 15. mars.

14. gr. – Félagslit

Komi fram tillaga um félagsslit skal hún rædd á sérstökum félagsfundi sem boðað er til í því skyni. Tillagan skal kynnt í fundarboði eigi síðar en 10 dögum fyrir félagsfundinn. Áður en tvær vikur eru liðnar frá þeim fundi skal kosið bréflaga um félagsslit. Atkvæðisrétt hafa allir þeir félagsmenn sem greitt hafa árgjald það ár. Tillagan telst samþykkt hljóti hún stuðning 60% þeirra sem afstöðu taka.

Við félagsslit skulu eignir félagsins renna til starfandi félags bókasafns- og upplýsingafræðinga og/eða bókavarda samkvæmt nánari ákvörðun fráfarandi stjórnar. Sé slíkt félag ekki til skal eignunum varið til styrktar kennslu í bókasafns- og upplýsingafræði.

Samþykkt á stofnfundi Upplýsingar 26. nóvember 1999

Breytingar 15.05.2001, 09.05.2005, 16.05.2006 og 06.05.2008

Heiðursfélagar Upplýsingar og fyrri bókavarðafélaga

1969	Guðmundur Gíslason Hagalín
1974	Björn Sigfússon
1978	Haraldur Sigurðsson
1980	Herborg Gestsdóttir
1985	Ólafur F. Hjartar
1985	Bjarni Vilhjálmsson
1985	Anna Guðmundsdóttir
1985	Anna Sigurðardóttir
1992	Hilmar Jónsson
1995	Finnbogi Guðmundsson
1996	Guðrún Gísladóttir
1996	Gunnar Markússon
1997	Kristín H. Pétursdóttir
1998	Þórdís Þorvaldsdóttir
2004	Einar Sigurðsson
2004	Else Mía Einarsdóttir
2004	Erla Jónsdóttir
2004	Hulda Sigfúsdóttir
2004	Lárus Zophoníasson
2004	Ólafur Pálmason
2004	Óli J. Blöndal
2007	Sigrún Klara Hannesdóttir
2007	Svanlaug Baldursdóttir